



GAWAD SWF 2025

Natatanging Yunit na Tagapagtaguyod ng Wikang Filipino

I. Introduksiyon

Ang **GAWAD SWF Natatanging Yunit na Tagapagtaguyod ng Wikang Filipino** ng Sentro ng Wikang Filipino – Unibersidad ng Pilipinas Diliman (SWF-UPD) ay iginagawad sa yunit (akademiko o administratibo) sa Unibersidad na aktibong nagsusulong sa wikang Filipino.

Pangunahing layunin nito na kilalanin ang mga pagsisikap ng yunit sa pagsusulong at paggamit ng wikang Filipino sa pagtuturo/pagsasanay, pananaliksik at publikasyon, at opisyal na komunikasyon at serbisyo publiko.

1. Kalipikasyon

Kalipikado para sa nominasyon ang mga proyekto na may sumusunod na katangian:

- 1.1 Yunit (akademiko o administratibo) sa Unibersidad na aktibong nagsusulong sa wikang Filipino.
- 1.2 Nagpapatuloy o naisagawa na ang pagtuturo/pagsasanay, pananaliksik at publikasyon, at opisyal na komunikasyon at serbisyo publiko bago ang simula ng pagtanggap ng nominasyon.
- 1.3 Maaaring mapabilang ang mga yunit na nabisita o nakatuwang ng Sentro ng Wikang Filipino - UP Diliman para sa pagtataguyod ng mga proyekto at/o Komite sa Wika mula taong 2022 hanggang 2025.

2. Panuntunan sa Pagpapasa ng Nominasyon

- 2.1 Maaaring magnomina ang mga opisina at sinumang kawani, REPS, guro, at mag-aaral ng UP Diliman.
- 2.2 Isumite sa Nominasyon ng Gawad SWF Natatanging Yunit na Tagapagtaguyod ng Wikang Filipino ang sumusunod na kahingian:
 - 2.2.1 Sinagutang Pormularyo ng Nominasyon na may lagda ng pagsang-ayon mula sa namumuno/proponent ng nominadong proyekto.
 - 2.2.2 Mga lakip na dokumentasyon bilang patunay sa mga naitala sa pormularyo katulad ng mga larawan, sertipiko o sertipikasyon, aprobadong proposal, at iba pa na nakatipon sa iisang PDF File.
- 2.3 Ang hindi pagsunod sa mga panuntunan sa pagpapasa ng nominasyon ay awtomatikong mapapawalang bisa o diskwalipikasyon.
- 2.4 Ang huling araw ng pagpapasa ng nominasyon ay sa 31 Hulyo 2025, Huwebes, 5:00 nh.

3. Pamantayan/Kriterya sa Pagpili

Ang mga entry ng nominasyon ay tatasahin sa sumusunod na pamantayan o kriterya:

Kriterya	Mga Palatandaan at Marka
A. Pagtuturo at Pagsasanay	A.1. Paggamit ng mga guro o tagapagsanay ng wikang Filipino sa pagtuturo o instruksiyon A.2. Paggamit ng mga guro o tagapagsanay ng mga materyal at sanggunian sa wikang Filipino

B. Pananaliksik, publikasyon, at malikhaing gawain	B.1. Pagsulat o paglalathala ng mga artikulo at pananaliksik sa Filipino B.2. Pagsulat o paglalathala ng mga aklat sa Filipino B.3. Pagsulat o paglalathala ng mga malikhaing akda sa Filipino B.4. Eksibisyon at pagtatanghal sa wikang Filipino
C. Opisyal na Komunikasyon	C.1. Pagsulat ng mga korespondensiya opisyal sa Filipino gaya ng liham, MEMO, anunsiyo, katitikan ng pulong, at iba pa C.2. Paggamit ng wikang Filipino sa daloy at pagpapadaloy ng programa, panawagan o anunsiyo, pubmat, at iba pa. C.3. Paggamit ng wikang Filipino sa survey o ebalwasyon ng programa/proyekto
D. Serbisyo Publiko	Pagtataguyod ng mga programa o proyektong ekstensiyon na pumapaksa o gumagamit ng Filipino.

3.1 Kung sakaling may iba pang kahingian at kinakailangan ang lupon ng hurado, maaari itong magpatawag ng panayam at/o humingi ng karagdagang mga dokumentasyon.

3.2 Inaasahan ang pagdalo ng mga finalist sa araw ng *Paglulunsad at Paggawad 2025*, panapos-programa ng Buwan ng Wika ng SWF-UPD sa 29 Agosto 2025, para sa pormal na pagkilala sa mga GAWAD SWF.

3.3. Ang desisyon ng lupon ng hurado sa pagpili ng gagawaran ay pinal at hindi maipaghahabol.

4. Panuntunan sa Pagtanggap na Maging Finalist

4.1 Isumite sa [Mga Finalist para sa Natatanging Yunit na Tagapagtaguyod ng Wikang Filipino](#) ang sumusunod na kahingian:

4.1.1 Sinagutang [Pormularyo ng mga Finalist para sa Natatanging Yunit na Tagapagtaguyod ng Wikang Filipino](#) na may lagda ng pagsang-ayon mula sa Yunit.

4.1.2 Mga lakip na dokumentasyon bilang patunay sa mga naitala sa pormularyo katulad ng mga larawan, sertipiko o sertipikasyon, aprobadong proposal, at iba pa na nakatipon sa iisang PDF File.

4.1.3 Logo ng yunit (jpeg/png file)

4.2 Ang hindi pagsunod sa mga panuntunan sa pagpapasa ng nominasyon ay awtomatikong mapapawalang bisa o diskwalipikasyon.

4.3 Ang huling araw ng pagpapasa ng mga kahingian ay sa **31 Hulyo 2025, Huwebes, 5:00 nh.**

IV. Premyo

Makatatanggap ang hihirangin na GAWAD SWF *Natatanging Yunit na Tagapagtaguyod ng Wikang Filipino* ng:

- a. Sertipiko ng Pagkilala
- b. Tropeo ng Gawad SWF
- c. Insentibong nagkakahalagang Php 60, 000

Para sa iba pang detalye o katanungan, maaaring mag-iwan ng mensahe kay Gng. Katherine T. Jayme <ktjayme@up.edu.ph> o tumawag sa telepono: VOIP Local 4583.